

Broj: 09-14-6-8850-15/17
Sarajevo, 19.11.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine i broj: 03-05-1-1669-2/18 od 11.07.2018. godine, federalna ministrica financija/finansija **d o n o s i**

ODLUKU
o izboru najpovoljnijeg ponuđača za nabavku roba – software za evidenciju
za potrebe Federalnog ministarstva financija/finansija
(ponovljeni postupak)

I

U cilju odabira najpovoljnijeg ponuđača, nakon provedenog otvorenog postupka javne nabavke roba – software za evidenciju (ponovljeni postupak) za potrebe Federalnog ministarstva financija/finansija, evidencijski broj nabavke: 09-14-6-8850-1/17, broj obavještenja o nabavci sa portala javnih nabavki: 810-1-1-3-3-1/18 od 15.02.2018. godine, sažetak obavještenja objavljen u „Službenom glasniku BiH – Oglasnik javne nabavke“, broj: 13/18, kao najbolje ocijenjena ponuda je ponuda ponuđača:
AVACOM GROUP d.o.o. Mostar, sa ukupnom cijenom ponude, nakon održane e-aukcije u iznosu 277.345,00 KM bez PDV - a.

II

Ponuda ponuđača iz tačke I ove odluke ocijenjena je najpovoljnijom, jer ispunjava sve uvjete postavljene tenderskom dokumentacijom, a u skladu sa kriterijem sa dodjelu ugovora, nakon održane e-aukcije, ponuđač je ponudio najnižu cijenu.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-14-6-8850/17 od 22.12.2017. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 350.000,00 KM bez PDV-a i predviđena je Planom javnih nabavki za 2017. godinu Ministarstva – Izmijenjeni Plan, dio I Robe, pod rednim brojem 6. – software za evidenciju. Obavještenje o nabavci, broj: 810-1-1-3-3-1/18 poslano je na objavu 15.02.2018. godine, te je zajedno sa tenderskom dokumentacijom istog dana objavljeno na portalu javnih nabavki. Sažetak obavještenja objavljen je u „Službenom glasniku BiH – Oglasnik javne nabavke“, broj: 13/18.

Tri ponuđača dostavila su ponude u predmetnom postupku nabavke. Ponude su dostavljene blagovremeno od strane ponuđača: AVACOM GROUP d.o.o. Mostar, QSS d.o.o. Sarajevo i KING ICT d.o.o. Sarajevo.

Komisija za javne nabavke, imenovana Rješenjem, broj: 03-05-1-1182/17 od 20.02.2017. godine, izvršila je pregled i evaluaciju pristiglih ponuda, konstatovala da su sve ponude prihvatljive i dostavila federalnoj ministrici Zapisnik o pregledu i ocjeni ponuda, broj: 09-14-6-8850-9/17 od 23.04.2018. godine zajedno sa Preporukom da se donese Odluka o izboru najpovoljnijeg ponuđača. Na osnovu Preporuke Komisije, donešena je Odluka o izboru najpovoljnijeg ponuđača, broj: 09-14-6-8850-13/17 od 25.04.2018. godine, kojom je kao najpovoljniji ponuđač izabran AVACOM GROUP d.o.o. Mostar.

U žalbenom roku, na predmetnu Odluku izjavljena je žalba ponuđača KING ICT d.o.o. Sarajevo. Postupajući u drugostepenom upravnom postupku, Ured za razmatranje žalbi Bosne i Hercegovine, rješavajući po predmetnoj žalbi donio je Rješenje, broj: JN2-03-07-1-682-11/18 od 21.06.2018. godine, kojim je žalbu žalitelja KING ICT d.o.o. Sarajevo usvojio, poništio Odluku o izboru najpovoljnijeg ponuđača, broj: 09-14-6-8850-13/17 od 25.04.2018. godine i predmet vratio ugovornom organu na ponovni postupak odnosno ponovnu evaluaciju ponuda.

Postupajući po uputama na osnovu Rješenja Ureda, Komisija imenovana Rješenjem, broj: 03-05-1-1669/18 od 13.03.2018. godine i broj: 03-05-1-1669-2/18 od 11.07.2018. godine izvršila je ponovnu evaluaciju ponuda i konstatovala da su ponude ponuđača AVACOM GROUP d.o.o. Mostar i KING ICT d.o.o. Sarajevo prihvatljive, a da se ponuda ponuđača QSS d.o.o. Sarajevo odbacuje kao neprihvatljiva.

Ponuda ponuđača QSS d.o.o. Sarajevo, Dejzina Bikića bb, ID broj: 4200103980007, odbačena je kao neprihvatljiva iz sljedećih razloga:

U tenderskoj dokumentaciji za Eksperta 2. - ekspert za bazu podataka, Ugovorni organ je zahtijevao sljedeće uslove: ovjerenu fotokopiju odgovarajuće VSS diplome iz oblasti tehničkih nauka ili informatike, najmanje 5 godina radnog iskustva na poslovima razvoja baza podataka (u svrhu dokazivanja radnog iskustva, ponuđač je dužan dostaviti potvrdu o radnom iskustvu izdatu od strane poslodavca) i dostavljanje odgovarajućeg dokaza o učešću na najmanje tri projekta na poslovima dizajna, razvoja i administracije baza podataka (odgovarajućim dokazom smatra se Potvrda/Uvjerenje izdato od strane poslodavca koji je angažirao eksperta na traženim poslovima ili izdato od druge ugovorne strane (primatelja usluga). Ponovnim uvidom u ponudu ponuđača, na što je posebno ukazao Ured u predmetnom Rješenju, Komisija je utvrdila da se u sklopu Ponude na str. 139. nalazi Potvrda o učešću na projektima od 30.03.2018. godine, koju je izdao QSS Sarajevo, kojom se potvrđuje da je Emir Njemčević radio na poslovima dizajna, razvoja i administriranja baze podataka na sljedećim ugovorima: Elektroprivreda BiH d.d. Sarajevo, Klijent ASA Banka i Klijent Sparkasse bank, u ulozi eksperta za baze podataka.

Dalje, Komisija je utvrdila da se na str. 133. Ponude nalazi Potvrda o radnom iskustvu, broj: 109/18 od 29.03.2018. godine, izdata od strane privrednog subjekta PING d.o.o. Sarajevo, kojom se potvrđuje da je Emir Njemčević zaposlen u toj firmi od 03.06.2010. godine na mjestu sistem inženjer.

S obzirom na gore navedeno, utvrđeno je da Potvrda o učešću na projektima od 30.03.2018. godine, koju je izdao QSS Sarajevo, ne ispunjava zahtjeve Ugovornog organa iz tenderske dokumentacije, s obzirom da predmetnu potvrdu nije izdao poslodavac kod kojeg je Emir Njemčević zaposlen (PING d.o.o. Sarajevo) niti korisnici usluga (klijenti) za koje se navodi da je isti radio na projektima. Također, prilikom pregleda ponude, utvrđeno je da ponuđač nije dostavio ovjerene kopije certifikata zahtijevanih tačkom 11.2.2. i 11.2.3. tenderske dokumentacije, nego samo prijevode certifikata. Imajući u vidu naprijed navedeno, Komisija je ponovnim pregledom ponude ponuđača, konstatovala da isti nije ispunio uvjete u dijelu koji se odnose na tehničku i profesionalnu sposobnost ponuđača, te je ponudu ponuđača QSS d.o.o. Sarajevo odbacila kao neprihvatljivu.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz tenderske dokumentacije.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u tenderskoj dokumentaciji, a u skladu sa kriterijem za dodjelu ugovora, nakon održane e-aukcije ponudio je najnižu cijenu.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

1. Ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove Ministarstva
4. a/a